

O‘zbekiston yoshlari umumjahon assotsiatsiyasi va Toshkent davlat yuridik universiteti o‘rtasida o‘zaro hamkorlik to‘g‘risida
MEMORANDUM

O‘zbekiston yoshlari umumjahon assotsiatsiyasi (keyingi o‘rinlarda – Assotsiyatsiya) nomidan Ustav asosidan ish yurituvchi Shavkatov Otabek Sherzodovich bir tomondan, Toshkent davlat yuridik universiteti (keyingi o‘rinlarda – TDYU) nomidan Ustav asosidan ish yurituvchi rektor v.v.b. Rustambekov Islambek Rustambekovich ikkinchi tomondan, (birgalikda keyingi o‘rinlarda – Tomonlar) O‘zbekiston Respublikasi Prezidentining 2017-yil 28-apreldagi “Toshkent davlat yuridik universitetida kadrlar tayyorlash tizimini tubdan takomillashtirish va samaradorligini oshirish chora-tadbirlari to‘g‘risida”gi PQ-2932-sun qarori va O‘zbekiston Respublikasi Prezidentining 2020-yil 29-apreldagi “O‘zbekiston Respublikasida yuridik ta’lim va fanni tubdan takomillashtirish bo‘yicha qo‘srimcha chora-tadbirlar to‘g‘risida”gi PF-5987-sun Farmoniga muvofiq ushbu Memorandumni quyidagilar to‘g‘risida tuzdilar:

1-modda. Memorandum predmeti

1.1. Ushbu Memorandumning predmeti Tomonlar o‘rtasida uzoq muddatli, samarali va o‘zaro manfaatli hamkorlikni rivojlantirish, ekspertlar va malakali mutaxassislarni jalb qilgan holda yuqori malakali kadrlarni jalb etish va tayyorlash sohasida qo‘shma loyihalar va tadbirlarni tashkil etish hamda hamkorlikda ilmiy-amaliy tadqiqot ishlarini o‘tkazishga qaratilgan sheriklik munosabatlarini o‘rnatish va TDYU faoliyatiga har taraflama ko‘mak berishdan iborat.

1.2. Tomonlar umumiyligi amaliyotdan kelib chiqqan holda, tenglik, ijobiy maqsad, hurmat va ishonch asosida hamkorlikni amalgalash oshiradilar.

1.3. Ushbu Memorandumni amalgalash oshirish jarayonida Tomonlar o‘z faoliyatini O‘zbekiston Respublikasining amaldagi qonunchiligiga muvofiq amalgalash oshiradilar.

2-modda. Tomonlar o‘rtasidagi hamkorlikning maqsad va vazifalari

2.1. Ushbu Memorandum doirasida Tomonlar quyidagi ustuvor vazifalarni hal etish bo‘yicha birgalikdagi harakatlarni amalgalash oshirishga kelishib oldilar:

Xorijiy mamlakatlarda o‘qiyotgan va mehnat qilayotgan yoshlarning hayoti bilan bog‘liq muammolarni hal etishda huquqiy yordam ko‘rsatish;

Tomonlarni qiziqtirgan masalalar bo‘yicha o‘zaro kelishilgan yoshlar loyihalari, tadbirlari, seminarlari yoki forumlarini o‘tkazishga ko‘maklashish;

O‘zbekiston fuqarolarini xorijiy oliv o‘quv yurtlariga va magistraturaga o‘qishga qabul qilish va yuborishda huquqiy yordam ko‘rsatish, o‘zbekistonlik yoshlarga xorijga chiqishda huquqiy yordam ko‘rsatish;

Yutuqlar, ilg‘or tajriba almashish, xalqlarni bir-biriga yaqinlashtirish, milliy madaniyatlarni o‘zaro boyitishning muhim shartlaridan biri sifatida jahon ilmiy-ma’rifiy, gumanitar makonni shakllantirish;

Assotsiyatsiya hamda TDYUning kelgusi istiqboldagi faoliyatini rivojlantirish va ularning raqobatbardoshligini oshirishga zamin yaratuvchi dolzarb muammoli mavzular bankini yaratish va ushbu mavzular bo‘yicha hamkorlikda tadqiqotlar olib borish;

TDYU talabalari o‘rtasida qonun hujjatlarini bilishi, talqin qilishi va qo‘llashi, tahliliy ma’lumotlarni tayyorlash va huquq ijodkorligi faoliyatini amalga oshirish bo‘yicha tanlovlarni tashkil etish;

Yuridik kadrlarni tayyorlash borasida xorijiy mamlakatlarning tajribasini o‘rganishni tashkil etish.

3-modda. O‘zaro hamkorlik shakllari

3.1. Hamkorlik doirasida axborot almashish hamda Tomonlar vakillarining uchrashuvlarini tashkil etish.

3.2. Tomonlar faoliyatiga taalluqli va o‘zaro manfaatli masalalar bo‘yicha maslahatlashuvlar.

3.3. Ushbu Memorandumdan ko‘zlangan maqsadlarga erishishga qaratilgan qo‘shma tadbirlar va loyihalarni rejalashtirish (tegishli chora-tadbirlar va dasturlar ishlab chiqish) va amalga oshirish.

3.4. Qo‘shma ilmiy, o‘quv va axborot-tahliliy nashrlarni (monografiyalar, darsliklar, qo’llanmalar, ma’ruzalar, maqolalar va boshqalar) tayyorlash.

3.5. O‘zaro manfaatli masalalar bo‘yicha qo‘shma seminarlar, konferentsiyalar, uchrashuvlar, davra suhbatlari, mahorat darslari va boshqa tadbirlarni tashkil etish va o’tkazish.

3.6. Turli mavzularda o‘quv kurslarini (yozgi va qishki maktablar) o’tkazish;

3.7. Klinik ta’lim bo‘yicha hamkorlikni olib borish, yuridik klinika volontyorlarini bepul va beg’araz huquqiy yordamga jalb qilish va huquqiy targ’ibot ishlarini olib borish.

3.8. Xorijiy davlatlar hududida O‘zbekiston fuqarolarining huquqlarini himoya qilish bo‘yicha maslahat berish.

3.9. Talabalar bilan o‘quv ishlari va qo‘shma ijtimoiy-siyosiy tadbirlarni o’tkazish uchun tomonlar o‘rtasidagi o‘zaro ta’sirni kuchaytirish.

3.10. Tomonlar o‘rtasidagi hamkorlik maqsadlariga erishishga qaratilgan shartnomalar (bitimlar) tuzish.

3.11. Yuridik volontyorlarning safini kengaytirish.

4-modda. Hamkorlikni tashkil etish

4.1. Tomonlar o‘rtasida ushbu Memorandumga qo‘srimcha ravishda hamkorlikni rivojlantirish bo‘yicha yo‘l xaritasi imzolanishi mumkin va ushbu yo‘l xaritasi Tomonlar o‘rtasida imzolanganidan so‘ng Memorandumning ajralmas qismi hisoblanadi.

4.2. Qo‘srimcha moliyaviy mablag‘lar talab etiladigan hamkolrik yo‘nalishlari bo‘yicha zarurartga ko‘ra alohida shartnomalar tuziladi.

5-modda. Qo‘srimcha shartlar

5.1. Ushbu Memorandum imzolangach Tomonlarga hech qanday huquqiy va moliyaviy majburiyatlarni yuzaga keltirmaydi, bu kabi majburiyatlar yuzaga kelishi uchun Tomonlar o‘rtasida alohida fuqarolik shartnomalar tuzilishi talab etiladi.

5.2. Ushbu Memorandum dastlabki kelishuv bo‘lib, sheriklik shartnomasi hisoblanmaydi va uning qoidalarini bajarmaslik Tomonlar uchun javobgarlikni keltirib chiqarmaydi (Tomonlardan hech biri boshqa tomonga Memorandumning amalga oshirilishi (muvaqqiyatsizligi), amal qilishining tugashi yoki tugatilishi munosabati bilan yuzaga kelishi mumkin bo‘lgan zararni qoplashga majbur bo‘lmaydi).

5.3. Ushbu Memorandum doirasida hech bir tomon boshqa tomon yoki Tomonlarning majburiyatları yoki qarzdorliklari bo‘yicha mas’ul yoki qarzdor hisoblanmaydi va hech bir tomon tegishli alohida shartnomalar tuzmasdan turib boshqa tomon yoki Tomonlarning vakili sifatida ish olib borishiga yo‘l qo‘ymaydi.

5.4. Har bir tomon ushbu Memorandum shartlarini amalga oshirishdan kelib chiqadigan harajatlarni (agar tegishli kelishuvlarda boshqacha qoida nazarda tutilgan bo‘lmasa) o‘z zimmasiga oladi.

5.5. Har bir tomon ushbu Memorandum doirasidagi hamkorlikka oid boshqa tomon bilan oldindan kelishilmagan holda ochiq bayonotlar bermaydi.

6-modda. Qonunchilikka rioya qilish

6.1. Tomonlar ushbu Memorandumni, shuningdek, alohida kelishuvlarni O‘zbekiston Respublikasining barcha amaldagi qonunchiligiga muvofiq amalga oshiradilar.

6.2. Tomonlar boshqa yuridik shaxslar bilan predmeti, hajmi va shartlari bo‘yicha o‘xhash shartnomalar tuzishga haqli.

7-modda. Maxfiylik

7.1. Tomonlar ushbu Memorandum va boshqa memorandumlar doirasida tuzilgan alohida shartnomalar bo‘yicha boshqa tomondan olingan har qanday ma’lumotlarni sir saqlashga majburdilar.

7.2. Tomonlar ushbu Memorandum shartlari va maxfiy ma'lumotlar sifatida yoki o'z mohiyatiga ko'ra maxfiy deb hisoblanishi kerak bo'lgan ma'lumotlar sifatida uzatiladigan barcha ma'lumotlarning maxfiyligini saqlashga majburdirlar.

8-modda. Memorandumning amal qilish muddati va uning tugatilishi

8.1. Ushbu Memorandum nomuayyan muddatga tuziladi va Tomonlar imzolagan paytdan boshlab kuchga kiradi.

8.2. Tomonlarning har biri boshqa tomonni tugatilishi kutilayotgan sanadan kamida 10 (o'n) kalendar kun oldin yozma ravishda xabardor qilgan holda ushbu Memorandumni bir tomonlama va muddatidan oldin tugatishga haqli.

9-modda Yakuniy qoidalar

9.1. Tomonlar ikki tomonlama muzokaralar yo'li bilan ular o'rtasida yuzaga kelgan kelishmovchiliklarni bartaraf etish uchun barcha choralarни ko'radilar.

9.2. Ushbu Memorandumga kiritilgan har qanday o'zgartirishlar, agar u yozma ravishda tuzilgan va Tomonlarning har biri tomonidan imzolangan bo'lsa, haqiqiy hisoblanadi.

9.3. Tomonlarning har biri boshqa tomonni o'z nomi, manzili, telefon va faks raqamlari va internet manzili o'zgarganligi to'g'risida bunday o'zgarishlar sodir bo'lgan kundan boshlab 5 (besh) ish kunidan kechiktirmay xabardor qilish majburiyatini oladi.

9.4. Ushbu Memorandum ikki nusxada tuzilgan bo'lib, bir xil yuridik kuchga ega va har bir tomon uchun bir nusxadan taqdim etiladi.

10-modda. Tomonlarning manzillari va imzolari:

O'zbekiston yoshlari umumjahon
assotsiatsiyasi raisi

Toshkent davlat yuridik universiteti
v.v.b. rektori



2024-yil "17" yanvar

O.Shavkatov



2024-yil "17" yanvar

I.Rustambekov